



Selasa, 19 Oktober 2021
Ogen: Johanes 2: 4



Paksa Tuhan



Banci kin manusia ngatur Tuhan? Tupung Maria reh ndahi Jesus, iturikenna kai ia perlu man Jesus alu sada pengarapen, Jesus nampati ia. Alu la biar-biaren iturikenna isi pusuhna. Tapi kai jababen Jesus man bana? 'O nande, labo man aturenkenndu kai arus si ku bahan, paksangku lenga seh.' I bas perukuren Maria, Jesus e anakna. Adi anak me bujur nge isuruh? Lit ka kesadaren Maria maka Jesus e anak Dibata si erkuasa, tek Maria maka Jesus ngasup mereken serpang puluh i bas kesusahenna. Alu la igejapna, iaturkenna pendahin Jesus.

Alu la engkurangi kehamaten man sekalak nande, Jesus mereken sada pengangkan man Maria, niNa: "Paksangku lenga seh". Perkatan Jesus e nuriken maka labo banci manusia ngaturken pendahin Dibata. Manusia e terjeng tinepa, si arusna patuh ku bas pengaturen Dibata. Kai si ibahan Dibata, em si payona. Dibata labo pernah njuruken manusia si ernalem man baNa. Tergejap man Maria perkatan Jesus e, e maka nina man temanna sada aron, begiken ras ikutken kai si ikataken Jesus e. Isedari Maria ise ia, terjeng nande Jesus i bas doni enda. La kal banci iaturna Jesus anak Dibata, seakatan patuh man baNa. Kiniteken Maria man Jesus teridah arah penuruhna temanna e nimai ras ngiktken persuruhan Jesus.

Perlu kal si eteh maka Tuhan meteh kai si perlu man banta. Enggo iaturkenna paksa si payo lako nampati kita, ras mereken kai si iperluken. Labo sinik Tuhan natap kecibalta, saja itimaiNa kesabaren ras kepatuhennta ngikutken persuruhanNa. Sekalak motivator Kristen ngerana man banta nina, *Tuhan memiliki waktu yang sempurna, tidak pernah lebih awal tidak pernah terlambat. Dibutuhkan sedikit kesabaran dan banyak keyakinan tetapi itu sepadan dengan menunggunya.*